

## De ioou i vén lo non Vatican

Én co Vatican y ére lo non d'eun cretsón dé Roma, dou coté dret dou *Tevere*, fran én fase dou Tsan dé Mars é a la drèite dou *Gianicolo*. Adón y ére euna grama létsére malsana é umida ; to vaco, mae bon pé lé fèye.

Pi tar, lo lon dé la cota, *Agrippina* y a fé travaillé lé vaco é y a fé planté dé fleur. A la méma cara *Néron* y a fé-che fére eun pitchó sirque privà, ioou i son ità tchouà lé premé martire crétchèn (avoué d'atre y avie co l'apotre Pièrè, qu'i y é ità éntèrà fran lé).

Dé adón si cretsón y è ità lo semeteurio dé tcheut, crétchèn é pa, tanque can l'ampéreur Coustantén, dou 326 ou 333 apré Jézù Cri, y a fé aplatì la pouente dou cretsón pé batì la premére bazeleucca dédiaye a sèn Pièrè.

Y è mae dé l'an 1870 qué lo Vatican y è la rézidanse dou Sèn Pare ; ou Moyèn Adzo lo Sèn Pare i vivive ou palé dou Latrà, é pi tar dedeun d'atre émportante batize dé Roma, comèn lo *Quirinale*, qué ou dzor dé ouèi y è la rézidanse dou prézidàn dé la répebleuca italiéna.



lo gnalèi



Région Autonome  
Vallée d'Aoste  
Regione Autonoma  
Valle d'Aosta

Assessorat de l'Éducation  
et de la Culture  
Assessorato Istruzione  
e Cultura

### Tiré de :

[www.focus.it](http://www.focus.it), juin 2002

Texte publié en 2008 sur « Commune de Chambave »

Collaborateur de Chambave pour la traduction : Rita Vuillermoz

La transcription a été soignée par le Guichet Linguistique

Mise à jour de la graphie : octobre 2013